

壺園詩外集

壺園詩外集卷三

過金陵聞是日揭曉有作

籍籍傳來揭曉聲  
遽然猶覺夢魂驚  
可憐歌舞秦淮月  
今夜誰人醉鳳笙

珊網明珠一一收  
鹿鳴宴罷菊花秋  
科名也只尋常事  
多少青衫誤白頭

觀榜天門集衆仙  
霓裳同詠踏花韉  
微名得後情原淡  
底事當時總惘然

題鄭墨莊漢江覽勝圖

人生不作汗漫遊  
有如搶榆笑鸞鳩  
謝公日費幾兩屐

嘯歌直欲驕王侯。夙願驂青虬。逍遙徧五嶽。長生期倂  
佺。忘形友麋鹿。胡爲戴南冠。頽波恩涇濁。仙人一去樓  
空存。無復落梅江上聞。才子賦成冢已築。接天衰草埋  
荒麓。我欲弔青蓮。卽官鑿湖湖久湮。我欲問交甫。解佩  
雙姝果何許。何不一訪仙尉居。丹心烈烈昇紫虛。何不  
一尋神禹迹。橈輦不到吾其魚。百年過客疾於電。古人  
今人詎相見。雲峯畫手老人神。爲君拂拭開生面。吾鄉  
好山水。負絕惟天都。勝境兼奧曠。中有真人廬。何當采  
藥入山去。饑吸青霞渴餐露。大江日夜東南流。惆悵茫  
茫隔烟樹。

寄懷彭春農祭酒兄

邦疇

兼畱其意

碧雲千里合春風送歸雁美人傷綠波離懷鬱誰遣眷  
言城南會編紵互投薦燭鉢競篇家笙歌接文讌傳宣  
上壺嶠宏獎愧東箭地密情益親交孚論靡間一從東  
門別三載不相見輾轉風塵驅流光疾奔電處羣寂自  
闕既覺夢方戀亦知神明通遠衛猶邇旬膠漆如君心  
尺牘非吾面終焉懷鬱陶坐使朱顏變

高鳥入青雲倦飛憚遠引問君無一塵何由賦招隱適  
遇神所棲寡營慮乃泯圭組豈易願爲展平生蘊矧君  
傾東觀羣英聚楷箇經濟播詩書育材端政本顯晦途

匪一斯義山梁準我心何夷然進退無加損尚懷慕季  
雅卜宅約元稹終當踐斯盟毋貽北山晒

過九江贈錢小垌太守

騷

岷源九派遶城流城勢崔嵬接斗牛符節新辭螭陸側  
聲名舊在鳳池頭春江花暖圍湓浦秋月濤生上庾樓  
我自蓬萊躡仙履烟波來往駐扁舟

望江阻風

一棹雨中泊千檣雲外浮巨川原共濟白浪不勝愁柳  
密長隄暗花飛古院幽却憐臺立聚辛苦餉平疇

舟中偶興

江南江北羣山繞，船趁風來千里餘。  
黃蛺蝶翻寒菜圃，綠楊柳護野人居。  
村荒市散日斜後，夜靜月明潮上初。  
肯爲艱難歎行旅，豪吟直欲起龍魚。

江行雜詠八首

一片瀟湘月多情，送我行秋風。  
江上路作客易心驚，舟小人難立。  
村荒夢不成，明朝布帆穩，未曉聽雞鳴。  
秋色滿天地，蕭蕭落木知誰憐。  
客心苦，獨對古人詩，枕上江聲走尊中。  
山影移日晡，何處宿，傍岸有杉籬。  
造物有奇思，中流挿一峯。  
何年出江底，萬古削芙蓉。  
閣迴深藏佛，松蟠老作龍。  
平生幾兩屐，未得遂遊踪。

日斜剛繫纜忽聽榜人囂雲氣壓山重風聲挾浪驕瓜  
壺村社賽雞黍老農招爲問田家趣陶然暮復朝

連朝如畫裏疑入剡川莊江上輕帆度山坳古寺藏蘆  
花兩岸白槲葉一村黃更有垂綸者悠悠逸興長

江上角聲寒蕭條萬木乾烏啼霜月落雞唱曙星殘楓  
葉紅高嶺蘆花白淺灘蓴鱸風味好何事羨蓬壺

烟樹遠濛濛青天萬里同雲歸風定後潮退月明中薄  
暝迷羣鷺新寒過陣鴻羈愁夜無寐頻剪燭花紅

鄂渚別千里征帆猶未收烟波皖江渡風雨秣陵秋苦  
茗能消渴醇醪未解憂兩三星火照却喜近瓜洲

耕牛歎

一日不爾食人生長苦饑南阡與北陌人力惡能治服  
牛耕田代農力高黍下稷人得食耕時趵趵蒸四蹄頭  
低角戢汗入泥饑食黃芻渴飲淖豐年家家足困窘朝  
耕暮耕無息期胡垂一尺牛力疲烏虜力盡牛不與力  
盡還食身上肉

晚泊

江上收帆薄暝時行程相說總嫌遲天公何不隨人意  
一樣樵風上下吹

大觀亭弔余忠宣



百尺崔嵬亭勢雄當年血戰擁櫓江  
山要借忠魂助憑弔興亡一檻中

過殷洪喬投書渚

在豫章城外

虹橋宛宛壓波長估舶如雲艤綠楊  
風雨滿天愁不盡家書我欲寄瀟湘

秋花曲爲霍邱程浩亭先生

瀚賦

秋風颯然至秋懷淒以哀寂寂空齋中  
秋花生上階階前薄白露皎皎中庭素  
零落金谷人婆娑漢南樹獨有幽人家  
幽花吐香葩雕闌十二曲曲曲明朝霞  
金闥送春去春去花無主秋來花似春  
樓頭思遠人誰家搗衣

院何處交河津交河成不返搗衣將寄遠八月飛朔霜  
人與花腸斷我愛秋花嬌秋深伴良宵繁華憶春夢桃  
李紛夭嬌夭嬌九陌上綠葉空惆悵願保歲寒心春風  
易飄蕩

寄懷張季琴同年

積功

真州時季琴自北歸余暮

春時曾客揚州比季琴歸而余已旋楚矣

三月變江上鶯花春末闌誰憐綠波闊遙望碧雲端鄂  
渚已旋櫂吳臺方挂鞍離愁日東注願作洞庭瀾

送鄭雲壑編修

秉恬

還江右

瀟湘湖邊楊柳黃瀟湘湖上送歸航夕陽何處秋屏閣

欲寄愁心江水長

災黎行

昭陽協冷月在則兩師倒捲黃河傾餅盆懸瀉夜徹曉  
黑螟雖撻無由晴斷潢絕港達江漢登高四望神魂驚  
蛟蚪穿壁魚入戶高屋低與樓船平市塵比櫛疑撲地  
如筏浮水虞難乘長恐潮汐倏然至直下萬里淪滄溟  
側聞黃梅古新蔡地勢窪陷同孟城官亭羨溢更灌注  
官堤民堰如沙崩產黿沈黿十萬井噉噉中澤誰忍聽  
大官守帑不及請先損祿秩蘇餘生瀕江州邑各墊隘  
兒篋女縵紛郊垌喧闐衢巷多菜色但覩愁態無懽聲

老羸往往轉溝壑肌膚膏血填餓蠅前者未去後復至  
形鳩面鵠嗟零丁有司奉職凜驅逐或恐聚衆致毆爭  
比傳梁益歲大稔天意豈不矜蒼萌江東米價可無問  
流亡未免猶呼庚我登大別發還想天地微禹誰平成  
目擊災黎再三歎性命直與鴻毛輕佇看旋定復鄉井  
明當束耒敦春耕

詹湘亭年丈

應甲

乞病謝知漢陽事詩以贈之

才高不偶世長揖歸南山獨抱冰雪文不羨貂蟬冠民  
懷去後澤浩浩湘江寬栽栽翼際山會見牟碑刊丈人  
絕纓笑逝夢如奔湍身隱焉用文癖嗜惟卷編金門昔

獻賦先德相周旋家貧驅作宰宦拙仍青鹽一朝解圭組如魚脫箠笏靈巖峰礪礪震澤波涓漣暮醉金谷月朝耕洞庭烟誰能媚權貴脂韋作時賢達人卓遐識進退何夷然三徑猶未荒籬菊爭霜妍對酌白衣酒高詠歸來篇

呈曾賓谷使煥二十韻

帝重東南賦經邦仗舊臣殊榮辭桂殿溫詔出楓宸憶昔旌旗駐輸將海岱均芙蓉開幕府楊柳逐城闌湖上鶯花麗尊前鳳瑄春高名謝厨顧雅會集荀陳令秩三遷去彙章一旦淪鈞鉅憑析亂道累積艱迤蒿目周淮

旬勞心汴海濱。登車嗟涸轍。秉軸式園鈞。地決江河下。  
天回雨露新。謳歌歸鳳闕。鼓舞躍龍津。吳劍懷先澤。柯  
亭拜後塵。曾爲孟嘗客。奚翅李膺親。門祚傷金馬。聲華  
寵石麟。升堂真有望。懸榻迴無倫。跡寄蕪城乍。歸思鄂  
渚頻。恐荒元亮菊。難美陸機葦。未得翔雲翼。還堪託錦  
鱗。依依瓣香在。卿月祝重輪。

檢先兄芷軒遺跡感賦

塵世茫茫劫幾更。遺篇振觸涕縱橫。美他飄泊彭城夜。  
猶聽對牀風雨聲。

乞常芝仙

道性

爲畫壺園問詩二橫卷

多君雅擅曹黃筆倒卷吳淞落硯池解得無聲絃指妙  
生綃乞寫畫中詩

輪囷方作出山雲已買青山爲乞身一鑑寒塘萬竿竹  
少文先作畫中人

西江宗派繪圖工嗜好酸鹹幼眇中太華秋高海天碧  
論詩我欲訪司空

### 新涼憶友人

新涼枕簟覺夜景更清幽微雨欲辭暑明河初獻秋三  
年渭北客千古漢南愁高詠碧雲句悠悠江上舟

寄懷俞雲史同年焜時雲史依其外舅撫州太守

周公

各灑終天淚誰憐更路歧全家依漢沔入世蹈艱危幽  
侶爭求絕孤懷山水期東堂尋舊夢南浦繫遙思甥館  
聞傳業賓僚競詠詩秋風右軍宅春草謝公池蘭杜多  
飄泊琅玕孰贈遺悠悠臨汝水惆悵綠波辭

幽居

幽居人事屏晚更絕塵氛呼酒揖明月開窗驚白雲雁  
聲空外過蛩語靜中聞憐我惟孤影悠悠誰與羣

游九真山

九峯青入天上有玉女宅玉女鍊丹去雲霞護絕壁峯



峯如游龍何處訪姑射我來山中揖白雲白雲是主吾  
是賓雲似相逢舊相識滿身雲氣圍裾巾泠泠九泉水  
鬱鬱飛昇石俗骨不可仙安得凌雲翼臨水重徘徊倚  
石三太息幡然下山日色曛鞭絲斜拂歸湖濤舉手別  
雲雲不送回頭却謝雲中君

喻公輔前輩

溥

以滿城風雨近重陽課江漢諸生

依次用滿城句限七律五首屬予亦擬作以補  
邠老之闕余惟比年來奔走四方屈指登高之  
日或在江右或在京師前歲自楚之揚州乃在  
皖城舟次去歲甫一在楚今年復得與公輔聯

同館之雅締兩世之誼時時過從歲月不居令  
節又屆追惟往事爰賦五章並以貽贈

滿城風雨近重陽百雉城樓睇八荒白浪遠從岷峽落  
青山高接楚天長松門桃嶺重回首畫棟珠簾總斷腸  
剩有龍沙題詠在年年孤負菊花黃

載酒簪萸憶帝鄉滿城風雨近重陽千秋人去金臺冷  
百道泉飛玉井涼夢繞吳江楓葉落身爲彭澤菊花忙  
風流輦下成高會目送南雲雁路長

片帆迢遞別瀟湘回首湖雲神暗傷三月鶯花過上巳  
滿城風雨近重陽空山木落猿啼樹大澤天寒雁叫霜

人在鳩江江上任等閒佳節滯他鄉

北轍南轅歧路傷  
竭來真欲息津梁  
赤欄湖畔櫂歌短  
黃鵠山前帆影長  
極目雲烟遮遠道  
滿城風雨近重陽  
情懷今日誰嵇阮  
獨醉金卮意慨慷

英英桃李競春光  
接跡仙人上玉堂

君與帥海門前輩承翰先後入翰林

石鏡川

產瑚與君同舉進士皆先君宰黃梅時所拔士也

投贈公孫新綺紵淒涼

永叔舊門牆

伯兄仲兄俱不永年余又出嗣僅存兄子四人都未成立

黿峰獨握東

臺筆鳳嶺同傾北斗觴  
又是賜莢頒菊日  
滿城風雨近

重陽

卽事感述

監門昔日繪流民蒿目年荒倍愴神單露可憐懷壯戶  
入山將恐化癯人搜神記江漢之域有癯人隄防屢報傾南北租稅  
頻聞免舊新想見賜糜蠲粟詔蒼生日日塵楓  
宸

漢上逢孫大鼎卽以贈別

孫郎五字冰雪清秋水濯魄雙瞳瑩使鐵如筆鐵蟠屈  
晁姜未死吾邱生今年我汎章江權家書日日催歸程  
八年不見見卽別離雲黯淡低行旌扁舟題襟鄂王國  
宜城佳醞涼宵傾統如佳恐天報曙月斜已見虛窗明  
我醉爲君發長歎宏景頭顱白將半乾坤俯仰多一身

棲愴登樓泣王粲珠江江水深復深鷓鴣尊前動客心  
袖中空有繞朝策囊底曾無陸賈金片帆更向蕪城去  
蔓草荒烟竹西路青眼窮途能幾人無端又問瀟湘渡  
菊秀萸黃九月天故人相與致纏綿不堪搔首彈長鋏  
且與清歌奏管絃明朝又餞紅亭酒一曲新聲折楊柳  
游子休嗟行路難勗哉此日歸將母

卜宅洪都購別業曰壺園詩報彭春農祭酒

邢疇

舊有結鄰約支公已買山畫圖省邱壑

常芝仙爲作壺園圖

結構

絕塵寰西掖兼冰署東庠引玉班何時歸綠野桃嶺白  
雲間

東湖汎舟

盪湖湖水碧無涯隄外青山曲曲遞清磬一聲飛白鷺  
綠楊深處寺門斜

長歌寄懷馬六農部洲兼詆范大孝廉如垣

男兒三十爲郎亦不惡怪君何事常落寞此生不到鳳  
凰池縱得達官心不樂長安況乃不易居衙趨日日下  
澤車鈎稽簿領苦軟掌退食難讀三冬書扶風昔傳經  
君先接衣鉢英英鄭盧輩囊穎相繼脫俞雲史焜丁麗生文釗與余皆  
以庚辰成進士癸未陶松君福恒復捷有時欄翻辯論  
南宮皆在君後同受業於馬漁山師固與遷譬我於池子爲泉有時元音踴越一唱復三歎

譬我於桐子爲絃我辭水部入芸館長恐冰銜玷清選  
君貯承明著作才無端一水蓬池淺蒼蒼位置意則那  
龍言夔拊職不煩金曹位總計軍國豈比木天矜嘯歌  
儒生經濟貴適用麗藻鄉雲安足重有職榮分香案班  
無功愧食明廷俸文園寂處四載餘故交落落晨星  
踈就中尤憶范史雲釜魚幾日生清厨側身北望心煩  
紆美人不見徒踟躕飛鴻嘹唳已南至尺書倘寄瀟湘  
無

題畫

豔豔楓林丹蒼蒼暮山紫絕澗小橋橫樵歌白雲起

鰕鮒篇

鰕鮒畜黃潦焉知江與湖伊優北堂上豈識壯士圖丈  
夫志四方蓬矢關桑弧金門策治安致君宏遠謨宣室  
不召見大臣絳灌徒懷抱開濟畧鬱鬱歸蓬廬牧豎方  
徹侯安用稱黃虞刀筆亦上公安用敦詩書

艾如張

艾如張雉狡兔東西藏鳳凰觸之毛羽傷膺仁翼義  
盛文章豈欲食我粟啄我梁徒涉有枉輿有梁慎勿輕  
出抵咎殃艾如張

堂堂



堂堂復堂堂春露變爲霜皓魄東升日西沒須與元鬢  
悲白髮

臨高臺

臨高臺臺高以軒墮隴旭日出鸞鳳翔翮翮羽蓋何琴  
麗來會皆真仙臨高臺臺高一千仞左顧星辰低右盼  
電雷迅雷電大作威被髮欲往訴以額叩關虎豹怒九  
關歲蕤呼不開向來依倚何歲裏

箜篌引

洪流何湯湯連江斷舟楫舟楫不得渡褰裳惡可涉勸  
公執公袂公死焉用妾妾死下報公手抱箜篌泣烏乎

江間波浪君勿行人世波浪何由平

結襪子

赫赫大廷尉令聞四海崇王生老且賤召議會廷中顧  
言結吾襪長跪何劊劊辱公益公重此意將誰通長揖  
烈侯貴執轡夷門恭陸陸事閹媚千載期高風

盧女曲

七歲入魏宮初畫娥眉月學奏鴛鴦絃泠泠諧鳳律長  
門晝不開君王何日來菱花空拂拭團扇自徘徊妾老  
容已衰妾嫁日已晚婀娜隣家女三五月初滿爲語豔  
新妝陌上春花暖

白鼻騮

朝策白鼻騮矯矯如飛龍  
暗暗行路人意氣誇英雄  
連錢逐流電音落黃埃中  
更駕慎銜轅和鸞聲雍雍

巫山高

何山朝無雲何山暮無雨  
縹緲十二峯何處來神女

雉子班

翼翼麥苗秀泄泄飛原禽  
采采被文繡鷺鷥揚清音  
三年賈大夫嘉耦乖商參  
如皋試一射錦臆摧平林  
輾然方笑言琴德諧惜惜  
丈夫寡材藝比翼先睽心  
斷機令畧勸親御微辭箴  
相彼內助賢千載同欽欽

妾薄命

不髮願爲澤助君容顏使君惜在足願爲履充君下乘  
使君喜妾心不移誓黃金妾心恨不爲君心君心滔滔  
逝江水安得載君與君死

題杏花書屋圖

二月曲江路暖香晴更融日邊圍絳雪天上豔春風幾  
處紅襟燕誰家金絡驄何如倚高閣不羨洛城東

題詹湘亭先生

應甲

風雨收帆圖

顛風斷渡渡何急黑雲四垂江水立扁舟徑向白浪埋  
一間相懸人鬼接聽鼓應官不自主性命一擲輕於葉

儻人面敗若死灰  
篙師僵仆長年泣  
丈人雅量似謝傳  
內史與公遠莫及  
作達奚關生死  
齊時危要賴忠信涉  
平生忠信致用資  
金閭獻賦驂鯨螭  
蓬萊壺嶠望中隔  
鳬舄遂逐南雲馳  
才高不敢厭官小  
白首馮唐已垂老  
囊被何辭王吉嗤  
催科自署陽城考  
卽今宦海收危帆  
失勢幸免波臣饒  
雖無長物歸裝擔  
猶有淋漓老筆卷  
風雨墨花橫灑飛  
雲藍

冬日約程蕉雲前輩

川作

吳春帆孝廉

泰初

遊洪

山詩以代柬

北風卷飛籜千里何蕭條  
杲杲霜日明曠望天宇高  
荒

原騎白馬大漠盤青雕胡爲龍蛇蟄坐使中鬱陶名山  
屬在望空界絕塵囂復輿夙經越行邁心搖搖印隴數  
騰笑俗駕不可要朋簪幸茲盍世網慙欲逃攜尊戒行  
厨探奇約連鑣庶幾幽情愜毋使向禽嘲

題黃樹齋庶常

爵滋

遊廬五少圖

歐公廬山篇古調軼屈宋寥寥七百載商絃輟遶弄江  
州緬曩役東西客帆縱飛雨江上來山翠落衣重羣峭  
青濛濛假翼冀遐徂一從承明直烟霞斷幽夢黃香白  
雪才磊落潘陽仲訪我古沌陽賃廬慙市閭迴思孟公  
座謂吳梅梁前輩君座師也亟稱君才投轄集僚從哆口數推袁咫尺阻

汧雍霓裳大羅詠翱翔絳霄鳳矯首睇燕雲書闕情莫  
貢迢迢千里月何期一夕共袖中遊廬圖羣英聚章貢  
前身疑五老小摘入煙雪一峯化一身峯峯勢飛控入  
山山俯迎出山山起送不得從廬敖猶堪傲三衆大放  
瓊琚辭回環足尋諷青雲生腋下迅欲謝塵鞿我家黃  
山陞靈境互苞綜巉巖削碧峯黝黝肅丹洞潏然雲氣  
台坐失天宇空晴時俯東瀛一碧隘於壟自歎俗累牽  
無緣豁昏霧君儕多逸興徑赴龍天供蓬山更前驅似  
射先中中傾蓋締新懽天寒失霜淞鴻筆競篇家正聲  
息吟哢願廣白雲謡還奏甘泉頌

程吏部丈

振甲

以自磨墨見遺蓋取坡翁非人磨

墨墨磨人之意也賦此以贈

我生已過一萬二千日中有十四閏月非吾年瀛洲通  
籍忽五載白日難以長繩牽況乃追憶少年事更如夢  
寐心茫然終朝矻矻作詞賦自笑春蚓秋蛇連音田丈  
人來作楚遊客遺我兩丸自磨墨少年微髭面豐下卽  
今瘦骨鬚鬢白非人磨墨玉局歎心知此事嗟何益  
翠華昔日來南巡丈人獻賦登玉津壁門天邃掌帝綸  
雲氣五色圍氤氲眼識天下士結交能結貧不數漢俊  
及何況楚趙公子平原君出使東諸侯電雷折冤獄倒



決東海波立判南山牘噓枯回春陽振落變陰谷拂衣  
長嘯辭歸田滄桑身世幾變遷黃金到手快意盡惟有  
詩酒常流連豈必骨青髓綠長美好駐顏無術神明全  
或言學長生累劫須善果此說理或然於我意殊左安  
得來世仙以度今生我但願學淮王拔宅昇青天一家  
天上如人間若使一人獨享上清福閉置瓊島若幽谷  
如此作仙吾不樂甘謫黃塵死亦足狂歌未已公破顏  
笑顏有若桃花鮮停毫却視手中墨視凹磨盡青松烟

歲暮東程蕉雲前輩

歲暮北風厲憂思來無端戚戚游子心對案不能餐於

世苟無求中心有餘寬奈何出北門人莫知我艱登高  
山崔巍涉水波潺湲有懷不可訴坐使摧心肝

我有隋侯珠照君明月懷君懷鬱不展中夜長徘徊流  
俗不苟諧節義期毋乖豈無百尺枝疾風勁爲摧亦有  
徑寸莖陰谷春陽回旨哉齊人言智慧將奚爲

世事皆浮雲中心獨有戀負米仲氏勞捧檄毛公忤與  
君幸通籍春輝庶延眷何意菽水懽竟易椒漿奠音塵  
夢魂接及覺何由見窀穸矧未安豈忍甘寢宴際此月  
窮紀哀哀傷露電

寄懷馬少蘭農部

望美人兮娟娟悵修雲兮連蜷舉江離兮擷澧蘭將以  
遺兮遠道艱高堂兮絳帳嘉會兮繁唱滿堂兮美人獨  
中心兮余貺乘鸞輶兮上蓬萊霓裳舞兮紫雲迴羽翼  
成兮翔四海玉京遙兮望徘徊子野喚兮清歌東山感  
兮絲竹鳳之鳴兮高岡麋之游兮空谷燕臺兮雲橫楚  
江兮水深雲有羅兮雁杳水有魚兮尾潁湘之靈兮恍  
兮惚思嬋媛兮我心蘊結淚斑斑兮湘竹滅將與君兮  
恩斷絕

寄呈鮑覺生先生

卅載朝端勁節森銀臺特簡 主恩深東山久繫蒼生

望北海能傾國士心直道千秋紀麟史新詩萬里賄雞  
林後堂倘許彭宣到敢賦元猿學鳳音

詠唐花

崢嶸歲月晚元氣闕蕭晨誰識朱門裏先回天地春非  
時植盆盎凡卉迴精神試問長安道還多卧雪人

舟中長句寄懷常大處士

道性

開門獨居塵市中姓氏不與俗人通飲酒欲追猗玗子  
著書自稱桑苧翁柴車樓屨聊復爾白莧紫茄誰與同  
小別瀟湘一千里離愁渺渺蒲帆東

鄱陽湖懷古

波濤莽莽黃接天白日不動天中懸孤山山勢如湧出  
一塔巖巖撐危顛長風簸蕩帆力健四顧浩淼疑無邊  
江山形勝啟戰伐慨想明祖平陳年舟師十萬蔽江上  
白浪如山夾兵仗殺聲下撼蛟鼉官衙突燦艫若奔象  
晔然破空霹靂摧回首樓櫓成飛灰貫顙一矢忽破的  
血浴鯨鯢水流赤天心厭亂歸真人百戰功業成艱辛  
奈何末嗣縱荒宴官家威武稱將軍外托錢江內劉瑾  
覬覦孰召孱王覺誓師不藉王文成得水蛟龍詎能困  
嗚呼乃祖開國功漢王亦是人中龍張灣載得美人去  
此樂毋乃江都同我來三月湖水闊俯仰興亡總陳迹

春波渺渺何處邊下有忠魂招不得

泊南康

綠楊城郭隱蒼烟夜泊彭湖星渚邊留得匣中新鳳爪  
清冷未試谷簾泉

送程蕉雲

川佑

昔年我別君東道瞻馬首上有伯瑜親稱觥介春酒去  
年我見君艤舟瀟湘濱蓼莪哀失怙掩面同悲辛浮雲  
白日馳濁浪長川逝雲水去何心悠悠緬身世我賢非  
晏嬰近市徒虛營處衆寂自悶冰雪相爲清清光故人  
接幽賞班尹愜日月無停輪鳩江復整楫君來東閣開

君去東風回紅亭一樽酒焉能遣離懷我如孤根生君  
似飄蓬轉昔別三年遙今別千里遠三年不相見相見  
徒歔歔見君情尙爾送君情何如

重葺桃花夫人廟落成偕熊侍御

方受

程吏部

振

甲詹大令

應甲

諸老輩暨崔茂才

新

花間小集

卽送介茲前輩之揚州時余亦有江南之游

重開勝地月湖濱絲雨連朝洗麴塵芳草遠隨湘水碧  
桃花愁帶楚宮春鷓鴣莫唱尊前曲胡蝶都忘夢裏身  
我亦揚舡欲東去不將垂柳送行人

暮春之廣陵

東風吹綠江南草三月鶯啼春未老孤帆一葉江上開  
細雨絲絲波淼淼此時紅橋烟景齊笙歌夜譙湖光低  
雉尊和羹玉匙滑鱗魚入饌銀鱗肥去年小艇湖上游  
雨中看花花態愁今年又向江南去欲住鶯花最深處  
好風願乞官亭湖莫遣天涯逐飛絮

舟次鳩江張大

肇昌

約遊陶塘

南風吹我來鳩江乃是故人雲水鄉故人者誰元真子  
一見導我游陶塘琳宮梵宇二三里鼠姑花開散春綺  
同行迤邐之湖邊長隄一道橫中間啼鴉垂柳轉蕭瑟  
湖光搖蕩含空烟曷不湖心起亭榭宛宛虹橋綠波跨



畫舫笙歌夜月迷銀河倒入金屏瀉更築長干十四樓  
美人如花樓上頭修眉盛鬢曉妝靚嬌態不識春風愁  
碧桃紅杏幾千樹好鳥能歌亦能舞赭山塔影懸中流  
遙指涪翁讀書處如此湖山烟景開舉觴我亦醉千回  
掉頭今且別君去好趁春潮問瓜步

圓照寺古梅歌

有序

寺在蕪湖西城外里許白梅一樹花時如雪孤  
根盤拗古意盎然根徑可尺中歧兩幹上亭亭  
如蓋真數百年物也舟過鳩江特往觀焉

鳩茲城西有古梅傳是金源舊時物我來三月春已暮

特扣禪關訪靈窟入門綠葉覆滿庭虬根積蘚蟠古青  
徑登高閣倚闌畔枝尚亭亭出檐半僧言春寒始作花  
疑到玉真妃子家月明十里暗香送一白如雪銀雲凍  
鈿車繡鞅傾城游畸客還傾翠濤甕笑問客來何太遲  
俛而不答心坐馳我欲夢羅浮羊城迢迢南海頭逋仙  
一子載愁絕孤山幾株在方知此花此地俱修來對花  
何必看花開南風底事吹人速長嘯空江弄橫玉

方氏園張燈觀芍藥花

廣陵芍藥天下無嬌紅酣紫錦不如葦箔嚴遮畏風日  
築屋如護傾城姝主人愛花選花種花時招客客接踵

絳蠟紅燈相對開  
花倚燈輝似矜寵  
紫霧迷離障香國  
空中隔斷銀蟾色  
主客豪飛綠玉觴  
不知曉漏銅龍滴  
春明襖被盈五霜  
足迹未到豐臺旁  
豈知君家月娥艷  
美酒名花一時兼  
勸花莫羨姚黃貴  
獨殿春光春轉媚  
與酣吸盡金叵羅  
一笑酹花花亦醉

吳孝子行

生兮兒父鞠兮兒母兒兮有身願父母壽惟伯瑜之衣  
斑兮將以盡吾親之歡兮  
解日出暘谷日沒虞淵願瞻  
桑榆中心悄然安得海上神仙不死草鬱爲南山松

爲北堂萱

二解

太歲在戊龍蛇戾只禱醫嘗藥蘆扁咋只

白日黃泉隔咫尺只

三解

兒兮親生兒身親身有親不療

兒胡爲人旁皇終夜拊髀而躍稽首醫王兒身是藥

四解

惟股莫割匪股之卹惟臂有月臂月斯潔白者刀赤者

血擲刀將月投藥中甘之如飴心融融

五解

一癰右臂新

見者心骨悚一癰左臂舊問之口若拳微聞當日療厥

親此臂已作秦越人一割再割不知苦辛孝子死孝孝

乃真

六解

孝子誰姓吳氏紹灝名豐南士傳孝子者孝子

父作傳者誰北山子牽連書之待貞珉孝子弗言孝言

孝厲後人

七解

返錫山

小別梁溪廿七年九龍山翠尙依然却尋童子釣游地  
獨立蒼茫生暮烟

翠竹千竿帶薜蘿農家池水舊通河水心亭子紅闌護  
夾岸芙蓉秋色多

十日攀留一日還家山仍在客中看樓頭黃鶴相遲久  
五月落梅江上寒

村墟

村墟綠樹中村舍往來通人語渡頭亂夕陽江上紅

舟中苦熱一雨忽涼有作

輕葛屏不御纖簾徒爲張洪鑪冶萬類跼烏扇驕陽颯  
颯風北來雨氣涼入牀俄然歎暑滌薄冷思添裳蒲帆  
一千里卧聽濤聲長

阻風

江頭三日住寥落客愁多豈欲爭先路其如遠道何雄  
風摧島嶼腥浪徙蛟鼉千里瀟湘月憑舷一放歌

贈劉廉訪

斯帽

五載別京邑三遷聞政聲使星榆塞迴卿月皖江明犀  
帶承新澤鶯花感舊盟霜臺肅風紀願以佐昇平

舟發皖江湖流達潯陽四百里日始晡

朝來江洶湧天地忽簸顛洞開東西窗四顧心無前風  
力欲飛岸浪勢如崩山危帆箭脫殼瞬息百里間朝發  
皖城曲暮宿江州邊安用矯羽翼長嘯凌飛仙

寄劉廉訪

斯嶠

司政作天牧詰暴綜刑名赫赫大憲府犀帶金章榮我  
行越皖國故人爲班荆首述別離惡次陳獄訟情險膚  
業刀筆譟張騁辯佞古叩闕擊天鼓弗畏五鼎烹無  
獄不株連良懦恒吞聲匝月判百牘文案猶縱橫州府  
鞠靡枉過司必信爭鉤距摘其隱少以懾老僮火烈與  
水懦澆俗將焉懲炎炎子與氏言政惟其平罪疑慎勿

重罪當慎勿輕虎狼在空山搏噬乃性成出柙肆牙爪  
益以糜羣生人命豈不貴鋤惡善始申堯廷觸靈豈漢  
殿擊蒼鷹菅刺倘無棄或爲塵露增

寄孫大鼎

裋褐異狐貉戎菽殊稻粱榮辱苟無悶北宮奚自傷況  
君霖雨句幽韻憂修篁燕雀長苦肥鳳皇長苦飢豈不  
慕阿閣毛羽何襤褸抱神蘊精理升高慎危基幼輿緇  
邱壑結契良在茲

題王秀才

林杏

瀟湘歸權圖

萋萋芳洲草渺渺晴川樹瀟湘湖水闊深情復誰語美



人擷幽蘭空山日愁暮悠悠故鄉道道遠行且住烟雨  
隔濛濛何處西泠渡

壺園詩外集卷四

題蔣上舍志伊小紅雪樓第二圖

誰吹江城笛五月聞落梅飄飄謫仙人一棹清湘來高樓紅雪卷清芬絕塵埃此中有世澤歲寒天所培眷言霜中華鬱抱濟世懷而我雜囂塵五載棲江隈獨居寂無悶衆喧寡所諧笑問陽春節何如桃李開

送趙四同年光旋滇南

愁絕滇南道行程飛鳥遲忍彈湘水曲萬里獨歸時恍影洞庭開爨聲粵嶺悲相思渺天末不共白雲隨

蓉舫不卽歸滇遂作粵東之游復此奉贈

愁唱陽關第四聲紅亭何日別歸程秋來七十二峯綠  
人在珠江江上行

啼猿日日嶺頭聞極目南天障白雲千古荒臺歌舞地  
憐才誰弔越王墳

直蘭城北歸思多荔枝灣西雙槩過莫將小部新翻曲  
贏得珠娘蹋臂歌

題明皇合曲圖

花萼樓前萬花擁鳳皇園中玉奴寵開元天子厭承平  
萬乘心輕美人重月府仙人竊窺妝液池龍女爛生光  
製得淩波紫雲曲夜涼玉笛聲飄揚甘泉久已忘烽火

粉黛六官爭媵，嬀黃門桃宋早。乞身金鑑寶篇塵，暗鎖  
纔看武媚入昭陽。又聽桑條諧樂章，十年殷鑒事匪遠。  
龍漈禍水流餘殃，可憐宮內霓裳舞。豈知塞上漁陽鼓，  
一曲淅鈴劍閣西。淒涼却聽張微譜風詩，一代辨貞淫。  
治忽惟應曲裏尋，却怪天津酒樓客。猶將長笛竊遺音，

秋雲

露下碧梧秋涼，雲天際浮無端。悵遙夜獨自上高樓，孤  
月不藏影。明河澹欲流，羅裳裁已薄。萬戶暮砧愁，

偕趙四

光張三

積功

吳大

泰初

鮑四

文溥

家二

璠

登黃鶴樓

高樓翼江表遠勢接天迴何處躡飛仙白雲抱孤影名  
流偕李郭方舟泝江永延佇一憑闌千里盡鄢郢微茫  
辨檣櫓滃靄迷烟井天塹劃中流吳楚亦榛梗空留古  
仙跡俯仰絕雲頂冷然天風來飄飄紆衣冷

題江上片帆圖

遙山崦曖橫微雨一江晦何處挂春帆濛濛水雲外

題黃壚感舊圖

一上北邙道蕭蕭梧檟寒九泉恩未報千古淚空彈伍  
員猶投瀨韓信未築壇茫茫百端集忽對畫圖看

游琵琶亭

落日停遠帆倦步散林薄危亭枕山介勢迴帶山郭當年送客處勝境闢蘭若雛僧導我游頽垣委榛藿階下門麈毳階前隕纂繹直虞壓棟棟安得煥丹腹蒼然野氣至暝色赴岩壑何處問琵琶紛紛荻花落

重九泊舟都昌偕周三

仲堪

作

落木蕭條霜氣橫片帆飛渡白雲輕百年同是江關客此日曾無風雨聲僻縣城荒秋草沒重湖月闊暮烟平窗前笑指南山近合與黃花結舊盟

贈雪橋

宏景頭顱白馳驅歲月駿功名半生事憂樂百年心膏

萍青萍劍絃孤綠綺琴與君貞素履何用卜升沈

君有浮生

我欲問君平之句故云

游南山 有序

淵明云采菊東籬下悠然見南山昔詠其詩未

履其地甲申九日舟泊都昌新城陳廣文 學庵

一見如舊相識約登高南山乃卽淵明所詠也

山半有野老泉傳是東坡遺跡酌泉登山日晡

始還

南山鬱千仞石磴盤高空綿綿勢蜿蜒屬望何葱蘢我

來會佳節主賓邂逅逢欣然導我游言尋昔賢踪展拜

叩古寺蘋藻明孤衷  
緬當義熙年先生抗高風  
遞世中有托采菊東籬東  
山僧酌我泉遺自玉局翁  
石壁鐫野老清冽長溶溶  
小憩更遐陟一徑披長松  
左攬彭蠡湖右揖匡廬峯  
置身當絕頂俯視烟濛濛  
盤桓八仙石冰雪澄心胸  
迤邐日色斜歸步偕從容  
卻顧翠微路猶聞雲外鐘

贈陳廣文

學翁

一帆飛渡彭湖中  
湖光倒影盪碧空  
三日艤舟彭湖側  
匡君排列青芙蓉  
我欲登高作重九  
荒郊却曲迷孤蹤  
造次竟下徐孺榻  
一見已覺苦岑同  
生平豪氣除不得



言久集  
前身毋乃真元龍約我南山游仄徑峭直摩蒼穹酌我  
野老泉凝寒滌盡塵俗胸下山更欲招我飲長鯨一吸  
千百鍾媿非大戶醕三爵對此亦覺心神雄君才豈合  
廣文老會與雕鶚盤秋風卽今已無苜蓿態何況異日  
登龍峰洒闌長揖出門去斜月遠挂東山東

魚鷹船

魚鷹船八尺長漁師豢鷹魚爲糧水腥風急驅鷹入大  
魚潛逃小魚泣朝江頭暮江頭魚不滿艇漁師愁嗚乎  
主人飼爾飽爾噉明月秋江莫颺去

詠懷

升沈會命遲速諒有期始途苟弗端履榮實危基王  
侯豈不貴箕顓各有懷所性舉無忝所樂終不乖我生  
得天厚三十踐金閨通人媿長興鉛槧恒自隨蘊真適  
吾素外慕將奚爲

贈周六

再珽

雞鳴倏而起萬類各有圖烈烈志士懷廩廩靡安居矧  
君高閎閱世澤惟詩書長公

謂雪橋

已振纓奮翮翔雲衢

君才復競爽郊祁播休譽而我辱投贈諒直無阿諛良  
玉苟不雕不如珉與琕梗枿苟不斲不如棘與樗相逢  
未云久相別忽須臾勗哉劭明德征邁夫何如

新安篇

有序

太守馬漁山先生余師也歲甲申來守吾郡先  
以書詳問風俗宜興革者仿香山體作新安篇  
新安山深民俗苦十人中有九人賈謀生難聚三月糧  
旣死偏爭一坏土墳田不訟卧治易其奈雜牒如風雨  
縣官偃息不肯理往往行賕思貨取昔時淮南多巨商  
親婭依倚生輝光邇來富家轉蕭索貧者失路彌倉黃  
新安男兒苦奔走新安婦女空坐守十指不動嬌且慟  
裙布椎髻甘奇窮我聞巴蜀廉叔度夜火不禁歌五袴  
農蠶自古王業重曷不家家種桑樹絲枲旣足興組紉

稅駕何用勞  
仙人豈無食  
樞鵠未馴艱  
難要使本業敦  
坐令比戶皆還淳  
作詩聊當民風陳

祁門權歌辭五首

祁門舫子月彎彎  
上下千灘與萬灘  
杉作船身松作底  
水中不怕石巔岼

祁門舟小小如杯  
纜曳篙撐日幾回  
曲曲青山遮去路  
中間一道碧灘來

纔過鎮上又浮梁  
水碓聲喧晝夜長  
築水激輪輪激杵  
客心比似九迴腸

一灘水比一灘高  
邪許聲中人語囂  
晚傍峻嶒巖畔宿

三言詩集  
二  
插船只用一枝篙

饒州祁門路半千好山如黛水如泉老灘行過三百六  
遮莫舟人沽酒眠

祁門舟次作

舟行烟翠中日夕發清興山迴岫仍複溪轉棹靡定我  
來值秋杪陰霜沈寥淨水落灘勢高千珠向空迸巘岈  
石骨瘦波尺朗可鏡微霜變楓林丹黃絢樵徑隱樹竹  
雞啼棲烟沙鷺暝劇憐榜人子力競毋乃病連翩鴉尾  
銜遙遞雁繩亘冉冉日云暮維舟一篙勁何處碓聲喧  
中宵孤夢醒

晚泊

重岡疊嶽路彎環盡日舟行石罅間我愛移篙傍灘宿  
夜攜寒月聽潺潺

霧

朝來霧氣重似晦失雞鳴不辨村落影但聞人語聲陰  
雲真四合旭日望孤明何處山光好蒼茫野棹橫

漁亭下灘

纔踰楠木檣檣嶺又趁漁亭曲曲灘亂石千拳夾舟過  
羣山三面倚窗看莫誇下水行程易自是中流立足難  
何用元關問初祖風波閱盡此心安

老桂吟呈漁山師

新安署中老桂樹枝幹屈律紛盤拏心剝腹洞歲月古  
蒼皮半缺如月牙兀立西軒蔽庭院斜出檐角交雙杈  
疑是吳質仙斧斫不然蝕月遭蝦蟇至今崛強根不倒  
鬱鬱春氣生枯槎我來函丈留信宿摩娑老物久歎嗟  
托根猶幸得斯地絕勝蘭茝埋菅麻風流前守亦愛護  
甃以文石朱欄遮先生烏臺凜霜栢直節礫礪中無邪  
會看德意被草木鵲巢之應歌蓬葭異香未及賞黃雪  
秀骨已似餐青霞更參無隱求妙諦卻詵未許東堂誇

自新安至湖口道中作偕會稽周三笠帆

村雞如鳴鵠喔喔催天明旅枕警先覺起視北斗橫萬  
戶方安眠獨犯霜露行槃槃三十六嶺勢如吐鯨冥升  
喬木杪山翠撲面迎時或陟瀟澗流泉雜松聲日斜未  
遑息僕瘁力不勝歷歷過村邑婦子皆歡盈但知晴雨  
課而無離別情我生亦何爲數數事孤征茲行苦岑合  
差堪和嚶鳴無如游子懷各有物累嬰何時賦遂初內  
視收三庭永謝關山夢春扈觀深耕

贈張南山

我愛南山品復愛南山詩其品重金玉其詩追鼎彝腰  
綬鄂渚來眉宇接紫芝傾蓋露肝膈雄論兼箴規新詩



脫手贈唐宋供鑑鍾溯從漢魏降樂府元音希元白與  
張王節奏乖妃豨新聲復競作自鄒曾無譏惟君力反  
古雲霧青天披縱觀琅環集一一蒐瑤璣掃除門戶見  
獨造穿精微誦詩必投政達鴻羽爲儀勿謂牧令卑百  
里化始基鳴琴匪云逸戴星詎忘疲卓哉鄭之良靡或  
道拾遺水火濟寬猛與俗相轉移我車初入境已聽循  
聲馳賢者固不測豈獨專文辭三長竊所忝史筆敢執  
持文苑與循吏跼懷良在斯

春日卽事

春風不知蹊融融入桃柳桃柳亦何言綠意滿郊藪襄

裝曲阿集策杖東皋耦胡然翫塵居役役緇素守櫺雲  
築精舍地偏絕氛垢願憩松門泉爰攜桃嶺酒前期匪  
云遙遲我烟霞友

余築壺園于章門  
顏曰構雲精舍

鄱湖行

有序

舟泊湖港夜分已寢暴風陡作雷雨驟至檣櫓  
摧拉岌岌有膠舟之慮倉皇替亂遂溺於水二  
僕歿焉作詩紀之既幸余之得生轉憫二僕之  
死二僕袁福崇陽人杭三江都人也

乙酉之歲浴佛日吾舟夜泊青山陲彭湖茫茫此其澳  
波光澄淨鋪琉璃倚舷倦坐就枕簟夢境栩栩將迷離

砉然暴風震天地濃陰蓋野昏如曙塵砂亟趁石亂走  
雷雨勢挾舟橫飛電若金蛇竄巨壑浪如鐵騎喧征鼙  
前來大舩更山壓壞檣截纜同枯其傍船瞥見小艇逼  
竦身急躍疑平夷倉皇失足墜波底此時性命如懸絲  
耳聾目瞋鼻口塞身植未仆魂無依忽然觸手得巨絙  
攀援竟若扶枕梯長年問我延我坐覆以布被衣以綿  
脫斯大難幸不死妻子夢寐猶然疑古人遇變貴鎮靜  
此舉輕動慙吾非履危敢許忠信涉出險終賴神明持  
哀吾二僕竟不免招魂湖上浮雙屍生平事主頗忠赤  
遭此天厄非人爲波恬浪定挂帆去回首彌覺神悽悽

江湖人命托舟楫稽首但荷皇天慈

祁門道中七月見芙蓉

寂寞秋江上芙蓉朵朵紅美人在空谷窈窕出深叢  
棄置終何意微詞未易通春花誰爛漫不必怨東風

早行觀穫稻感賦

黃雲千頃望中收不笑豚蹄祝滿篝奕奕山輿迎曉日  
聲聲社鼓近中秋飛芻當識齋糧險激箭終期順軌流  
三策未陳慚賈讓素餐莫解漢廷憂

題張大

壁昌

晚香圖小影

人生自古重晚節敢擷春華忘秋實彭澤東籬傲酒杯

魏公老圃投吟筆鳩江先生逸者流珊珊身抱九仙骨  
學書學劍不稱意曾積千年古冰雪養親負米百里外  
猶恨子職晨昏缺我聞事親在守身君品秋月澄潭徹  
斯圖之意吾所喻獨立荒寒表孤絕浮榮肯作蕭艾敷  
老幹欲與松栢屹亦知富貴無百年白雲蒼狗一時物  
而我有田不歸去蝸涎未免髯坡啞誓當高蹈南山南  
散髮共眠三徑月

阜河逆旅主人顧小岩崑山望族也寄居阜河築  
印鴻小榭輯往來詩人之作成一編出以徵詩

成五言一章

乙酉孟冬朔驅車過桃源蕭條來北風凍雨急且喧我馬已踟躕我車復迍邐小憇展精舍主人玉峯仙嗜客

愛投轄琳瑯聚鴻篇集中多故人

謂許青士滇生陳玉生俞耘史邢五峯張

南山周雪橋諸君

各言行李艱今年苦轉漕

宵旰憂心懸濁

流劃南北啟閉防乖愆風濤澎湃濶齋糧勢危顛展轉挽運勞百萬糜金錢宣防仗大吏忠肝格穹天股削絕羣僣邪許期工堅生靈衽席安天庾祝盈壝前覆後必戒厥功竟安竣區區困行役敢謂煩憂煎出門謝主人攬轡心茫然

夜渡

月黑風高馬駐坡，寒雞未唱亂星多。  
早朝已負香衾夢，如此清霜更渡河。

夜發

不待寒衾煖，中宵起著鞭。  
繁星落戶外，殘夢續車前。  
泉石功名誤，冰霜歲月遷。  
家人應念我，客況自年年。

獨客

獨客傷心易，塵沙道路長。  
況當搖落際，極目倍蒼涼。  
苦霧埋紅日，悲風戰白楊。  
茫茫身世感，銀燭對傾觴。

旅發述懷

月落曙光浮，清霜滿戍樓。  
裘慙曉寒重，野曠朔風遒。  
齒

負陶宏景書懷馬少游東華軟塵近何處覓羊求

奉題當塗夫子歲朝圖 并序

歲朝圖者吾師甲辰 召試未第客楚度歲戚

象山

子模

金葉山

鐸

兩先生爲師作也中有破

筵一上著山水爲師手筆自甲子來每屈履端  
師必手題數語以志不忘出圖命題爰成三截  
蓋距作畫時已四十三年矣

丹青一卷抵三生卅載風光換玉京春到瀟湘依舊綠  
絲絲官柳不勝情

摺疊橫斜梢桠紅當年偶爾擅神工誰知曳履星辰上



都在仁風鼓盪中

扇置饌側  
將以扇薪

雪泥鴻爪未模糊  
一歲春風一撫摹  
我欲邊鸞寫生筆  
爲公更補晚香圖

送林辛山

聯桂

之官長沙

石廩祝融摩碧天  
楠溪灑水飛瘴烟  
才人自古動遷謫  
如君作宰真飛仙  
畫圖不上麒麟閣  
蓬萊雖仙亦何樂  
不如尺柄手自持  
力挽淳風洗澆薄  
識君絳帳恨太遲  
驪駒在門酒在巵  
酒酣慷慨說張籍  
謂南官貧富有千  
囊詩挂席迢迢越  
南國芳芷杜蘅招  
楚客鯉魚風起湘  
波愁千里夢君秋  
月碧

寄張南山 緇屏

我家黃海君南海一櫂相逢鄂渚濱  
編紵平生幾僑札輪轅異地各風塵  
雲飛楚澤空成夢花到燕山不當春  
何日卽官湖上月銜盃重照白頭人

擬休上人怨別

飄風逐浮雲千里各異驅佳人渺一方  
白露泣庭除瑤軫輟素響瓊樹彫靈株  
騷星如懸匏不得御征車遑惜衣帶緩  
但恐金石渝行跡滅蘭徑蟲絲冒綺疏  
明月儻可鑒勿使兩心孤

羅浮仙蝶歌

羅浮分得遶萊香四百餘峯雲氣白中有仙人五色裙  
化爲彩蝶如車輪朝飲金莖露暮宿金莖花隨風不避  
人燦若川上霞夜來栩栩入我夢身輕似跨雲間鳳翩  
翻直上華首臺縹緲還尋寶圭洞抱朴仙翁去不回璇  
房瑤室爲誰開采雲不散花長放肯向人間村裏來

客有言錢塘秋潮之壯者爲賦觀潮行

去年我下嚴陵瀨江靜山深絕羣籟今年君說錢塘潮  
錢塘八月秋氣高江頭千人萬人立潮聲未到人聲雜  
白光一線海上來龕山赭山相對開排空忽見銀闕湧  
天地震蕩轟霆雷洶洶濤頭一千丈白馬忠魂獨來往

樽桑赤岸愁淪漂黿擲鯨呿失憑仗停盃聽君不敢揮  
急呼免管風雨摧筵前但覺海色動腕底似挾濤聲飛  
安得誅茅卜宅定山上恣取奇觀入豪唱三千犀弩今  
有無射蛟江水胡爲乎烏乎錢王真丈夫

擬工部石硯

紅絲纔絕壁赤卵斲重陳黃牛白馬雄波濤沂瀼澗繁  
誰手斤械百仞犯奇險旋渦韋鐵背滅墨利剗剗世無  
結鄰癖瓦礫屏溝崦魍魎平待御直筆秉褒貶得硯如  
得朋白璧絕蠅玷憂時策萬言格非疎十漸豈惟琳瑯  
詠琴瑟中山壓明將上黿峯十丈燭犀燄

雁來紅

幾叢嬌豔帶霜淒  
天外剛逢早雁啼  
最是美人紅淚濕  
秋風腸斷玉關西

菊影

西風簾捲最相思  
瘦影亭亭好護持  
四座酒喧燈上後  
一籬霜重月斜時  
香分冷處真難辨  
色證空中淡亦宜  
留得風光三徑老  
歸與莫待鬢成絲

題江石臞二十四歲小影

瀟湘我識君  
君年已強仕  
爲厭主父宦  
乃近晏嬰市  
江淮少壯遊  
河洛亦棲止  
結交輕王公  
偃迹樂泥滓  
我時

前踰冠矻矻事經史獻策南北馳甘苦閱茶齋茁軋四  
遭擯蹭蹬爰居似庚年乃通籍芸館忝多士孟冬改南  
轅重遊漢江渙舊雨溯別離去日疾於矢君屢撫華顛  
我亦慚馬齒呼童展橫卷玉貌眇倫比凝睇始識君今  
昔迥殊矣逆旅天地間去來等萍徙仙佛吾未見不朽  
只一理運甕陶侃勤視蔭趙孟恥人生各有執虛譽徒  
爾爾爲君題斯圖吾其瞿然起

哭吳春帆孝廉

泰初

爲客三千里家貧已可哀如何纏厲疾竟爾喪通才僅  
僕力俱盡親朋氣亦灰傷心雙白髮猶自望歸來

前夕奴星到來朝辰尾騎風流今已矣魂魄爾何之黯

黯燈昏夜荒荒月落時夜臺真有路翻幸長君隨

君長子先

君三月卒君病未知也

同立程門雪

謂新城陳石士師

親情十八年平生托肝膽此別

問人天五夜孤魂泣全家一命懸憐君雙目炯含淚到

重泉

旅兆歸何日艱難仗麥舟苔岑高義篤桑梓古風求人

散空燕市雲飛黯鶴樓哭君君聽否楚些不成謳

送陳蓮史

繼昌

同年出守山左

隼旗山左去翩翩共惜中朝第一仙風度九重知李沈

家聲五葉繼韋賢雲興岱嶽思霖雨日照蓬萊近碧天  
佩纓帶牛今變否不妨報政俟三年  
灘江歸棹六年遲東郡趨庭慰夢私無復白雲勞遠望  
却教明月起相思旌旗渤海人千里風雨燕臺酒一巵  
天際鵲華秋色迴幾時裙屐共題詩

送當塗夫子 予告歸蕪湖

去年公作餞書圖餞書人尙留 皇都今年餞公爲公  
喜夢逐鳩江二千里 君恩卅載保始終古來榮遇誰  
如公東門祖帳兩賢傳知足知止將毋同裴公綠野開  
觴詠放意機衡謝朝請不識江湖憂國心旁觀但美林



園勝潞公歸洛真神仙公少潞公纔一年惠養老臣到  
林下歲入猶給司農錢憶昔繫榜鳩江邊清輝閣下沽  
酒眠謝家青山尙無恙徑擬築臺螺峯巔况公游釣尋  
初服白紵松風聽不足雖無半畝文通田猶有數間元  
亮屋公乞歸第  
三疏中語江南春色天下無梅花破臘清而耀幅  
巾蕭蕭老尙書看花不須藜杖扶常年門盈問字車此  
去花前與誰俱令我烟夢思菰蒲春風一櫂歸來乎

題梅泉圖

但抱梅花癖斯人骨已仙何時逐寒夢更與枕流泉老  
鶴影棲月冥鴻聲沒烟家山千里外愁絕白雲邊

題稻香圖

碧畦黃隴稻花香  
流水斜門對夕陽  
輸與苕溪老桑苧  
秋風菰米說江鄉

聞西師柯爾坪之捷

萬馬出伊涼  
軍書報

紫閭先聲奪磐藁

喀什噶爾舊名

一戰

掃欒槍雪積陰山  
白河流大漠黃邛支  
宜急縛勿令竄  
窮鄉

宮人斜

在阜城門外古墓宮人處

白楊風起卷驚沙  
無數秋魂墜落花  
薄命不堪重化蝶  
故宮何處更啼鴉  
三更環珮搖明月  
一氣香烟散紫霞

同是青山紅粉怨雷塘西畔玉鈎斜

甕山 元耶律文正墓在焉

杞梓由來夢澤生天教異國顯功名學成王佐才無敵  
事到宮闈死亦爭卅乘書隨張壯武百年墳護下忠貞  
甕山南麓新碑在展拜臨風涕淚橫

哨鹿行

陰風夜吹關月黑夔魑野竄麋狐逸空山無人夜氣森  
張薄啾啾鹿聲出以人圖鹿蒙鹿皮洵河作管簣膜吹  
一鹿呼羣百鹿集哨聲初停羽聲急摧毛裂角迸血紅  
深林三日聞腥風木蘭 秋獮典禮崇翠旂雲罕張軍

容期門爪士止齊肅旃裘毳幕屏藩雄合圍殺氣迴落  
日手搏赤豹拖元熊此豈吾 皇樂遊畋世治要不忘  
兵戎銀盤 賜出拜異數士卒鳧藻皆雍雍卽今遺孽  
方陸梁柯坪已報殲溫禺磐藁布露亦何有笑爾隍鹿  
徒夢夢

涇縣朱母雙節詩

嶢嶢旗峯高澹澹琴溪清中天華表雙崢嶸路人嘖嘖  
南陽母南陽母姑若婦姑結褵九載黃鵠子身棲婦育  
子子離母懷藁碓死姑若婦甘藁壘兒讀書母織機有  
婢不嫁隨孤嫠南山不樂烏鵲飛吁嗟奇節乃至性綽

楔雙旌表貞行吾宗有母山陰何夫死不哭髻不髻剪  
在喉刃在胷兩手突發浴血紅死節撫孤兩難事苦節  
傳家倍昌熾窮發白髮埋孤墳安得徧書貞義門

詠風箏

一綫孤盤上遙天雲路長勢將擎燕雀聲竟雜鸞鳳空  
濶行無地飛騰去有鄉紛紛暮原上人影立斜陽

丁亥年雪

元和歲辛卯二月晦夜雪今年春已盡去夏剛十日三  
輔遭亢旱嘉蕤委荒茆天子憂農田親祈崇望秩  
蜿蜒輓頑龍煥焚謹妖魃崇朝靈雨降覩土深可望胡

然雜紛糅漉漉散瓊屑陰機弄可駭陽氣怒方遏不讀  
九疇書機祥敢臆說但願銷甲兵年豐樂家室

有鳥

有鳥鳳之族毛羽豐且都朝翔下阿閣夕倦棲高梧胡  
不惜毛羽凶狡如訓狐東門啄腐鼠西門嚇孤雛側目  
殿中鷹欲擊久踟躕一朝奏鳳凰愀然就箚箴誰與職  
爽鳩疑罪釋弗誅啾啾泣羣鳥吞聲視金吾

讀漢書

漢武闢西域始築令平居西都護起安遠烏壘鄰渠犂  
勞師做中原寇盜連羌氏筦榷困商旅車船算靡遺輪

臺末年悔雖悔國已非由來制戎狄弗絕空羈縻但隄  
玉關險焉用置官師相彼犬羊性治之以弗治讀史三  
太息往事如龜著

漢興七十載匈奴邊患開轉粟始拜爵公私饒貨財苟  
非孝武繼盛業何由隳權事不可常立國亦有基區區  
桑孔計析利如勢絲納職古有訓圖匱在豐時武功旣  
冒等株送尤穢卑休養本恭儉文景良可思

戰國作隄防千古實流毒防水猶防民一潰不可復元  
封決瓠子乃下淇園竹羣臣行負薪天子歌湛玉吾山  
終弗齧宣房乃徒築至哉賈讓言成敗千古燭臨流發

浩歎禹功在疏鑿

題黃樹齋編修

勸滋

思樹芳蘭圖

叢生山谷間十蕙間一蘭蘭蕙族自別況乃茅與荃我  
欲取蕭艾拉雜摧燒之芬蓋布天地溪壑迴春姿君抱  
濟世心畫圖託深意此意空自芳同心復誰契與君往  
空谷爲君歌南陔融融十步中相與娛春暉

發潞河感述

傷心素旆出城東太息歸程百感叢落日長河衝急浪  
高原古木戰寒風蕭蕭荻絮霜俱白黯黯蓬窗火不紅  
卻計故園重到處愁看月照舊簾櫳



卽事寄顧蘭塘翰

悠悠人海逐虛名，過眼空花亦自驚。  
人未百年歡意減，身經多難道心生。  
儘容明月入吾室，幾見浮雲汚太清。  
一卷楞嚴悟真諦，扁舟不繫布帆輕。

君以此經風余參解

武城

城西有言子祠

城邊官柳影婆娑，禾黍西風向晚多。  
落日荒祠聞社鼓，尙疑小邑有絃歌。

自訟

簪纓蘿薜兩相違，衮衮年光駟莫追。  
某據一枰爭勝負，琴揮三疊悟成虧。  
修來位業靈難證，傳到文章計已卑。

欲把安心問初祖離朱象罔漫多歧

天津

丁字沽前秋柳青西風倚櫂峭帆亭地堙盤鬲河流斷  
港泊樓船海氣腥夜靜羣鷗驚拍拍天高一雁去冥冥  
明年杭稻如雲集川后從來總効靈

聞明年復將分道海運

道中有懷都中同社諸子

一別如雲雁影孤城南高會近何如金堂玉室仙人聚  
楓葉蘆花客夢虛經世才名非袞黻傳家遺澤但詩書  
遙知酒綠燈紅處最憶天涯徐仲車

寄李大東原

鶴郊

西風黃鶴賦高軒送著先鞭駕北轅獻紆入皆傾季札  
買絲我欲繡平原重來蓬閣聯飛騎忽返楓江聽斷猿  
一卷農書尹都尉且將錢壁課田園

寄懷吳蘭雪丈

嵩梁

才名飛過大東瀛怪底新詩掣碧鯨天失歲星來玩世  
身留仙骨更多情六年燕市交游冷

庚辰後居憂丁亥乃入都供職

別滄江涕淚橫自是梅花修得到一龕海外伴先生

先生

朝鮮詩弟子蒼萃先生詩稿供一  
龕中環植梅花作梅龕詩佛圖